



Arubaanse Courant

Anja 26

DIAHUEBS 13 AUGUSTUS 1964

No. 5106.

Longplay di Rufo Wever ta sali na augustus

ORANJESTAD, 13 aug. - Diadomingo ultimo e pianista Arubano Rufo Wever a regresa for di Maracaibo na Venezuela, caminda el a laga traha un longplay di su propio musica na piano.

E disco aki cual fin di agosto lo worde poni ariba plaza na Venezuela y Antillas lo carga e nomber di "Rufo Wever, pianista con un brazo artificial".

E pianista cual na Maracaibo tabata tin un programa masha ocupa como cu fuera e mester a toca pa su long play, alavez a actua dilanti television "Ondas del Lago" na Maracaibo y tabatin intrevista dilanti varios station di radio: entre cual Radio Mundo y Radio Mara na Maracaibo, ta masha satisfecho. Segun el a declara ta existi un oportunidad grandi, cu mas despues lo e bolbe traha un long play, pero e ora pa Lions Club di Maracaibo. Suplanan encuanto actuacion den e conocido "Show di Renny" Rufo Wever no kier a bisa mucho ainda. Asina cu su disco ta ariba mercado, lo e bisa mas tambe tocante di e show di "Renny". Na Maracaibo e Arubano a topa cu e comico Venezolano "Joselo", kende a felicite cu su bunita tocamento. E show propio di Rufo Wever na television local, cual ta worde gesponsor pa Winkels Handel Maatschappij lo bolbe cuminsa na luna di september.